

## 笠置寺住侶作善願文

夫當寺者。天智聖皇拓基之地。彌勒慈尊利生之庭也。始  
 凌險路於萬仞之□。非人力之可覃。忽刻尊容於五丈  
 之石。爲神功之所致。謂之笠置。世之冠絕者也。弟子。  
 依宿緣之篤。列住侶之中。積夏蔭以爲第一。仰衛護  
 以送居諸。以當主之事。爲造次之營。彼帝釋爲三十  
 三天之主。退役之悲。猶求免。況凡身在八十八年之齡。  
 遷化之期已久近。故競斜陽之欲隱。將啓多年之作  
 善。奉圖繪。繪アミタ三尊像。地藏并像一鋪。奉書寫妙法  
 蓮華經四十四部。二部者資先師幽靈之芥。自餘者祈過  
 去双親之出離矣。奉造立卒都婆若干基。其表裏奉書  
 寫法花經十八部。是則爲法界衆生平等利益也。奉轉  
 讀法花經十二萬部。十萬部者先年早啓白。二萬部者今  
 度抽寸丹。春之仲月。月之吉曜。於靈像之前。整供養  
 之儀。所運者千益之淨供。故山之霞添味。所舉者千燈  
 之者輝。晴天之星讓明。是皆勸於尊卑。所令排備也。

願任廻向之首。各遂解脫之望。弟子。多劫已結一乘之  
 緣。得積書讀於貝葉。當來必列三會之衆。可仰引攝  
 於龍華。精勤不空。心念宜成。禪海稽首和南敬白

建久五年五月二日

佛子某敬白